

西安碑林全集

開成石經

第一七六卷 春秋穀梁傳



言受命不若於道者天絕
之也不若於言者人絕之
也臣子大受命夏單伯逆
王姬單伯者何吾大夫之
命乎天子者也命大夫故
不名也其不言如何也其

義不可受於京師也其義
不可受於京師何也曰躬
君弑於齊使之主婚姻與
齊爲禮其義固不可受也
秋築王姬之館于外築禮
也于外非禮也築之爲禮

何也王姬者必自公門
賢於廟則已尊於寢則已
出爲之築節矣築木之外變
之正也築木之外變之爲正
何也仇讎之人非所以接
婚姻也衰麻非所以接弁

冤也其不言齊侯之來逆
何也不使齊侯得與吾爲
禮也冬十月乙亥陳侯林
卒諸侯日卒正也王使榮
叔來錫桓公命禮有受命
無來錫命錫命非正也生

服之死行之禮也生不服
死追錫之不正甚矣王姬
歸于齊爲之中者歸之也
齊師遷紀邾部部紀國也
邾部部國也或曰遷紀于
邾部部

二年春王二月葬陳莊公
夏公子慶父帥師伐於餘
丘國而曰伐於餘丘邾之
邑也其曰伐何也公子貴
矣師重矣而敵人之邑公
子病矣病公子所以譏乎

公也其一日君在而重之也
秋七月齊王姬卒爲之主
者卒之也冬十有二月夫
人姜氏會齊侯于禚婦人
既嫁不踰竟踰竟非正也
婦人不言會言會非正也

鄉食甚匹矣乙酉宋公馮卒
三年春王正月溺會齊師
伐衛溺者何也公子溺也
其不稱公子何也惡其會
仇讎而伐同姓故貶而名
之也夏四月葬宋莊公月

葬故也五月葬桓王傳曰
改葬也改葬之禮總舉下
緬也或曰卻尸以求諸侯
天子志崩不志葬必其時
也何必焉舉天下而葬一
人其義不疑也志葬故也

危不得葬也曰近不失崩
不志崩失天下也獨陰不
生獨陽不生獨天不生三
合然後生故曰母之子也
可天之子也可尊者取尊
稱焉卑者取卑稱焉其曰

王者臣之所歸往也秋紀
季以鄆入于齊鄆紀之邑
也入于齊者以鄆事齊也
人者內弗受也冬公次于
郎次止也有畏也欲救紀
而不能也

四年春王二月夫人姜氏
饗食齊侯于祝丘饗食甚匹矣鄉食
齊侯所以病齊侯也三月
紀伯姬卒外夫人不卒此
其言卒何也吾女也適諸
侯則尊同以吾爲之變卒

之也夏齊侯陳侯鄭伯遇
于垂紀侯大去其國大去
者不遺一人之辭也言臣
之從者四年而後畢也紀
侯賢而齊侯滅之不言滅
而曰大去其國者不使小

人加乎君子六月乙丑齊
侯葬紀伯姬外夫人不書
葬此其書葬何也吾女也
失國故隱而葬之秋七月
冬公及齊人狩于郛齊人
者齊侯也其曰人何也卑

公之敵所以卑公也何爲
卑公也不復讎而怨不釋
刺釋怨也

五年春王正月夏夫人姜
氏如齊師師而曰如衆也
婦人旣嫁不踰竟踰竟非

禮也秋郕穀來來朝郕國
也穀來微國之君未爵命
者也冬公會齊人宋人陳
人蔡人伐衛是齊侯宋公
也其曰人何也人諸侯所
以人公也其人公何也逆